

پرورگرام : ایم۔ اے۔ کشمیری

سمسٹر : گوڈ نیک

کورس کورڈ : MKR-C101

کورسک ناو : کاشر زبان: آگرتہ اثرات

لیکھن وول : ڈاکٹر علی محمد ڈار

موضوع : کاشر زبانہ ہند ماخذ چھ ویدک سنسکرت؟

کینون مقامی تہ ہندوستانی عالمن ہنزراپہ موجب چھے کاشر زبان اکھ ہند آریائی زبانے یوس قدیم زمانس منز سنسکرت پیٹھ وتلیمہ چھے۔ کینونہ عالمو وون بیتہ زاتھ زبانہ چھے باقی ہند پاتھو اکھ پراکرت شکل۔ تھین عالمن منز چھ جارح بہلرتہ شامیل تیکو کاشرس منز سنسکرت لفظن ہند گتجار وچھتھ یہ پراکرت قرار دژ۔ 1857 عیسوی منز لیوکھ جارح بہلرن ز ”کاشر زبان چھہ اکھ پراکرت صورت یعنی سواکھ زبان یوس سنسکرت منز دراپو چھے یاچھے تمو منز کنہ اکھ بولہ پیٹھ وتلیمہ یہو منز کلا سکل سنسکرت وتلیمہ چھے۔“

وون گو وکاشر زبانہ ہند الگ انہار تہ ساختی رنگ وچھتھ لیوکھ تھستی بیتہ زیہ زبان چھے پنہین تمام ہندوستانی ہمسایہ زبانن نش وکھر۔ اتھ نکھہ چھے ہندوستانی زبانو منز سندھی زبان۔ مگر سندھی تہ گجراتی یا ہندی زبانن درمیان بیہ افرق چھے تمہ کھوتہ ژ رفرق چھے کاشرس تہ سندھی زبانہ درمیان۔

کاشر زبانہ ہندس سنسکرتی آگرس متعلق چھے پیہ تہ کینونہ عالمو خیالہ باوتھ کرہو۔ مثلاً ڈاکٹر کوی راج شری ناتھ تھتکو ہن لیوکھ ”کشمیری زبان کا ارتقا“ عنوانہ اکھ مقالہ یس 1942 عیسوی یس منز سرینگر پٹھ ہفتہ واراخبار ہمدردس منز ترین قسطن منز شالیج سپد۔ تسند مائن چھ کشر منز سپد انسانہ سند بودباش از برونہہ شے ساس وری تمہ ساتہ شروع ییلہ کشپ ریشوسنزو کوشوشویہ انسانی بستی لُج۔ تھہ زمانس منز آس پیہ کین لوکن ہنز زبان سنسکرت۔ مہا بھارت کس زمانس منز اوس ہندوستانس منز مختلف زبانن ہند زال پھہلتھ۔ کشر منز یوس سنسکرت زبان رائج آس تھہ منز تہ اوس تغیر تبدیلی ہندس

دوس دس وؤتھمت۔ تہ لوکھ اُس سنسکرتچ بگڑیمز صورت ورتا ونہ لگو مت۔ بیلہ سنسکرت شوز روز نہ اتھ آو پرا کرت ناو
 دنہ۔ شری ناتھ تلو سند مطابق اُس تریہہ صدی بکری منز کشر منز پرا کرت راتن یوس وار وار پڑی متہ لیکھی متہ طقج زبان بندہ
 لچھو اُس۔ مگر پس پایہ طبقہ کین لوکن ہند دسی سپراج صورت بگڑنی شروع۔ اتھ بگڑیمز صورژ چھ اُس ”اپ بھرمش“ ونان۔
 بہر حال چھ شری ناتھ تھ پنچس پیٹھ واتان ز کاشر زبانہ ہند زائین چھ پانژمہ شیمہ صدی بکری منز لاگمت۔ پروفیسر شفیع
 شوق چھ آریہن ہندس کشر پنس متعلق ونان: ”ہندوستانکو سنسکرت زانن واکر برہمن تہ باقے پرا کرت بولن واکر آہ
 کشر ستر مہ صدی عیسوی منز۔ ہمالہ چہ تھ وادی منز اوس تمن روحانی رشتہ، مگر تھ ستر اوس بیٹیک آب ہواتہ پیتہ وفور کھین
 چین تہ تمن کشش کران۔“ ہند آریہن ہند کشر باپت لول چھ آند کول بامزنی نیل مت پُران کہ بیہہ جملہ ستر ہاوان،“
 واکر! اُس گڑھی کشر واتر پیتہ سولوسولوبو کھین چین چھ۔“

کاشر زبانہ تہ سنسکرت زبانہ ہند باہمی رشتہ کتھ چھ پی این پُشپ، سُنیتی گمار چڑجی تہ پیتہ تہ کینزہ و عالمو کرہ۔ یمن منز
 ڈاکڑی این گجواہم چھ۔ سہ چھ کاشر زبانہ سنسکرتچ کورمانان۔ پنن نظریہ کورٹو گریسن نس نظر پس ستر اختلاف کرنہ
 باپت پیش۔ گجوسند مطابق چھ کاشر زبانہ زائین دنہ واکر تم ہندوستانی آریہیم شمالی ہندوستانس منز ویدک تہذیبس پوچھر
 دنہ پتہ وادی کشمیرس منز داُخل سپدی۔ گجواہن چھ پنس تحقیقس منز تمن وتن ہنز تہ نشانہ ہی کر مژ یمو و تو گنگاہ ہندس
 مادانس منز روزن واکر ییم ویدک آریہ کشر منز تسدی کنو واکر سپدی متر چھ۔ مثلاً تسند مطابق چھ ییم سنسکرت بولن واکر
 ہند آریہ بانہال چہ و تہ کشر منز داُخل سپدی متر۔ تسند وننہ تھ تم بانہال واکر تمو وون اتھ ”ون شالا“ تھ جنگلن ہند گہ
 معنی چھ۔ یوہے ون شالا بنیو و وقتہ پھرس ستر تبدیل سپدان سپدان بانہال۔ ڈاکڑی این گجو چھ مزید ونان تھ پانٹھی
 بیلہ آریہ وادی اندر داُخل سپدی اتہ تھ جاہ تمو پیٹھ بانہ سکونت اختیار کرتھ تھو وکھ ”آری اتر گرام“ ناویوہے ناویو
 تبدیل سپدان سپدان اُز یک ”وؤترس“۔ پنہ تحقیق کس بنیادس پیٹھ چھ گجواہن پنچس پیٹھ وؤتھمت ز ویدک آریہ سپدی
 گوڈ کشر منز جنوب طرفہ داُخل تہ وار وار پھہلیپہ دُرس وادی منز۔

گجوسند تحقیق محور چھ کاشر زبانہ ہند امدادی فعل بیہہ کس نہس پیٹھ سہ سر کر پنچ کوشش کران چھ ز کاشر زبان چھ نہ

گنہ تہ رنگہ شُمالی ہندوستانچن جدید آری زبان مثلاً، گجر اُتی، اُریا، تہ بنگالو بیتر زبان نش پدون۔ سہ چھ ونان ز کاشتر زبانہ ہند لسانی ارتقا چھ گجر اُتی، بنگالو، اُریا، مراٹھی، آسامی تہ نیپالو زبان ہندی پاٹھی سپد مت تہ یمن زبان ہندی پاٹھی چھے کاشتر زبانہ تہ پنے مولہ سنسکرت خصوصیتہ از تام تہ رڑھراومہ۔ سہ چھ جملہ مثالہ دتھ ہاوان زمین سار نے زبان منز چھ ”چھ“ ڈکھ کراوتیک استعمال سپدان تہ کاشتر زبانہ ہند ڈکھ کراوت تہ چھ ”چھ“۔ امی چھ ”چھ“ ڈکھ کراوتیک استعمال مختلف صورژن منز شخص، جنس تہ تعداد لحاظہ کرنہ یوان۔

گنوسد ون چھ ز سنسکرت زبانہ چھے کاشتر زبانہ باپت اکھ اہم لفظ گٹھ (سٹوراخرانہ)۔ تھر چھے تمین اصولن تہ قایدن ہنز تہ نشاندہی کر مرثمین تحت سنسکرت زبانہ پیٹھ کانہہ لفظ کاشترس منز تبدیل سپدان چھ۔ بیومنز چھ کینہہ اصول بیم:

سنسکرت	کاشتر	سنسکرت	کاشتر
ش	ہ	مکھشاش	چھ
شاک	ہاکھ	اکھش	اچھ
شوان	ہون	رکھشہ	راچھ
سچ	ژ	نچنہ	نچون
ارچن	ارژن	شاکھشن	ہنچھن

بہر حال گنوتہ باقے محقق چھ مانان ز کاشتر زبانہ ہند آگر چھے ویدک سنسکرت تہ امہ لحاظہ چھے یہ اکھ ہند آریائی زبانہ۔ یوس باقے ہندوستانی علاقہ نش پدون پنے آپیہ ارتقا پذیر سپز ہڑچھے۔ تکیا ز اتھ منز چھے قدیم سنسکرت زبانہ ہنز واریہن خصوصیتہ ہنز رڑھرن سپز مڑ۔

اعتراض: تم عالم بیم کاشتر زبانہ سنسکرتی آگر چ مانان چھ تموچھ اتھ زبانہ سنسکرت زبانہ ہنز کور ہند درجہ دیستمت۔ مگر بیم عالم چھ یہ مشراوان ز کانہہ زبان چھے نہ دؤیمہ زبانہ نشہ زائین لبان۔ زبان چھے بنان نہ ز چھے کانہہ زبان پاد سپدان۔ زبانہ ہند بنٹن مطلب گو و مختلف طبقن، ذائٹن تہ تہذیبین ہندین لوکن ہند باہم میل جول ستو چھے اکھ زبان

تشکیل لبان۔ ہتھ کُزَن اردو زبان فارسی تہ ہندوستانی زبان ہند باہمی میل جولک نتیجہ چھے ہتھے پاٹھی ہیکہ نہ کاشتر زبانہ متعلق یہ راے دُرست اُسٹھ زیہ زبان چھیہ گنہ خاص زبانہ تھنہ ہیمو۔ کاشتر زبانہ سنسکرتچ کورمان واکو چھ زبانہ تمہ نظر وچھان زنتہ زبان کا نہہ زند وجود چھے یا ہتھ پاٹھی کا نہہ حیوان یا زند وجود افزائش نسلہ باپت حیوان زائون دوان چھ تھے پاٹھی چھ تھندی کُز زبانہ ستر تہ سپدان۔ مگر یہ تصور چھ ملے غلط۔ کا نہہ زبان ہیکہ نہ دویمہ زبانہ نش پاڈ سپد تھ۔ البتہ ہیکہ دون زبان ہندرنہ ستر کا نہہ نو زبان بارس۔ ہتھ تہ بہ چھ دُنہس منز مختلف زبان ہند وجودس ینگ پنا تہ ہنو مت۔ امہ سبہ ہیکو یہ نظر یہ ملے رد کرتھ ز کاشتر زبان کیا چھے سنسکرتہ منز درامو۔

یہ کتھ تہ چھے اہم ز تم عالم بیم کاشتر زبانہ ہند آریائی زبان ہنز لونچہ گنڈان چھ تم چھ آریہن ہند کشیر واتنہ برؤنہم اکھ زیوٹھ دور یکسر پاٹھی پس پشت تراوان۔ چناچہ یہ چھ اکھ زیوٹھ تہذیبی دوریس نہ گنہ پاٹھی تہ نظر انداز کرتھ ہیکو۔ کاشتر زبانہ ہندس ارتھس منز چھ یہ دور سیٹھاہ اہم۔ دویمہ ہتھ ز کاشتر زبانہ بیم کینہہ خصوصیتہ ہند آریائی زبانونش الگ چھے تمن ہنز چھ نہ بیم کا نہہ تہ وضاحت پیش کران۔

امہ نظر یہ کیو حامو چھے پنہ نظر تیج بنیاد الفاظن ہندس ممالکس تہ مشا ہبتس پیٹھ اُسٹوار کر مو۔ ییلہ دوشونی زبان باہم صوتی، صرنی تہ نحوی تفرقن در میان کپے پہن توجہ دنہ آمت چھ۔ تم چھ یہ مشراوان زمین دوشونی زبان ہندس ہشرس متعلق ہیکو اسی زیاد کھوتہ زیاد یہ وٹھ زیہ ہیکہ کاشتر زبانہ پیٹھ سنسکرتک اثر اُسٹھ۔ تکلیزا اُکس بچہ تہ ہمسایہ زبانہ ہند اثر چھ اُکس لوکچہ زبانہ پیٹھ پیوانے۔ اسہ پزنہ ہتھ مشراوان ز سنسکرت چھے اُکس ز تھس دورس دوران کشیر منز علم وادبچ زبان اُسٹھ۔ کاشتر زبانہ منز سنسکرت پیٹھ آمتین بسیار لفظن ہنز موجودگی چھے نہ امہ کُز یہ کتھ ثابت کرنہ باپت کا نہہ تہ معقول دلیل ز کاشتر زبان کیا چھے سنسکرت ماخذ چ۔

کاشتر زبانہ منز چھے مختلف غار ہند آریائی پھیر با و خصوصیتہ۔ بیومنز بیم کینہہ اہم چھے:
صوبیاتی پھیر:

1. کاشترس منز چھ ژور منز موصوتہ بیم ہند آریائی زبان منز غار موجود چھ۔

2. کاشر زبانہ ہند ’و‘ مصوتہ چھ ہند آریائی زبان ہندین ’و‘ مصوتہ نش بیمہ کن مختلف زاتھ چھ مصوتہ یل ہیو آسنگ رنگ بیتھ منز و تہ مصوتن ہنز آواز زم سپز مہ چھے۔

3. کاشرس منز چھ پوت، زھوٹ تہ ون مصوتہ ’و‘۔ مثلاً دود، یون یا کول

4. کاشر زبانہ ہنز پھیر ہا و خصوصیت چھے تالرن یوس باقی مصوتن تہ بتھ یوان چھے۔ مثلاً دید، رتھ یا وتھ۔

5. کاشر زبانہ ہنز امتیازی خوبی چھے اند تالرن، مثلاً گلو، بڈی یا شری۔

6. کاشرس منز چھ نہ و زری ہکار تھوڑی مصمتہ مثلاً بھ، دھ، ڈھ تہ گھ۔

مارفیمیاتی پھیر:

1. بقول شفیع شوق ’کاشر زبان چھے سیٹھ لگو سا و زبان۔ پرتھ کا نہہ کتھ انگ چھ تعداد، تا میث، کیس تہ کالہ مطابق لگو رٹان تہ اندری صوتی۔ مارفیمی بدلا و ہاوان۔

2. کاشرس منز چھ اشار پری ناوڑی ترقسمی۔ ’ج‘ ’یہ‘ ’ہہ‘ ’تہ سہ‘ تہ سار نے پری ناو تین چھ جنس تعداد تہ حالو لحاظ صوتی کیو مارفیمی بدلا و سپدان۔ مثلاً تیمس، تیمی، تیمسند، ہمی، ہمس، تھو سند بیتز۔

جملت:

کاشر جملگ بنیادی لفظ ترتیب چھ ہند آریائی زبانوں نش بلکل مختلف۔ جملس منز چھ کراوڑی ترکیب کالہ ہا و حصہ ہر حالہ دو ایم جاے رٹان۔

مقصد

کاشر زبانہ ہند آگریج ویرھنے۔

کاشر زبانہ تہ سنسکرت زبانہ کیاہ واٹھ چھ پانہ وڑی۔

کاشر زبان ہند لفظ راش کتھ پاٹھو سپد سنسکرت زبانہ ستو متاثر۔
کاشر زبانہ ہند ساخت کتھ پاٹھو چھ اتھ باقی ہند آری زبان نش وکھ بناوان۔

مختصر سوالات

کاشر زبان متعلق ٹی این گنجو سند نظریہ ویژه نایو مثال دتھ۔
کاشر زبانہ ہند سنسکرت آگرس متعلق مختلف عالمن ہنز راے کر و پیش۔
کاشر زبانہ منز مختلف غار ہند آریابی پھیر ہا و خصوصیت کر و بیان۔
کاشر زبانہ پیٹھ سنسکرت زبانہ ہند ابتدائی اثر چ کر و نشانہ ہی۔

کتابیات

کاشر ادبک تو آرنج	ناجی منور، شفیع شوق
کاشر زبان، کاشریک گرامر	شفیع شوق
کشمیری زبان کا آغاز۔ مختلف نظریات	شاد درمضان، رتن تلاشی
انگریزی ترجمہ، نیل مت پوران	ڈاکٹر وید گماری گی
گریسن تہ کاشر زبانہ ہند آگر، انہار گریسن نمبر	موتی لال ساقی